

№ 2 2012

მასწავლებელი



წიგნიერების
ტრადიციული და
ახალი სახეები

თეორიები
სწავლების სტილის
შესახებ

ინტერნეტგაზეთი
mastsavlebebli.ge



საქართველოს
განათლებისა და მეცნიერების
სამინისტრო



მასწავლებელთა
პროფესიული
განვითარების
ეროვნული ცენტრი





მასწავლებელთა
პროფესიული
განვითარების
ეროვნული ცენტრი

მასწავლებელთა პროფესიული განვითარების ეროვნული ცენტრი აქტიურად მუშაობს მასწავლებელთა დამხმარე მასალებით უზრუნველყოფის მიმართულებით. აღნიშნული მასალა ხელს უწყობს როგორც, ზოგადად, მასწავლებელთა პროფესიულ განვითარებასა და სასწავლო პროცესის გაუმჯობესებას, ასევე სასერტიფიკაციო გამოცდებისთვის მზადებას.

მასწავლებელთა პროფესიული განვითარების ეროვნული ცენტრის გამოცემების შეძენის მსურველებმა პუბლიკაციის ღირებულების შესაბამისი თანხა უნდა გადაირიცხონ მასწავლებელთა პროფესიული განვითარების ეროვნული ცენტრის სპეციალურ საბანკო ანგარიშზე:

სს „ბაზისბანკი“
ბანკის კოდი: CBASGE22
ანგარიშის ნომერი: 134983
მიმღები: მასწავლებელთა
პროფესიული განვითარების
ეროვნული ცენტრი
საიდენტიფიკაციო კოდი:
202 374 251

ქვითარში აუცილებლად უნდა იყოს მითითებული გამოცემის სახელწოდება. გადარიცხვის შემდეგ ქვითარი უნდა წარედგინოს მასწავლებელთა პროფესიული განვითარების ეროვნულ ცენტრს ქვემოთ მოცემულ მისამართზე ან/და სკოლის ადმინისტრაციას, რომელმაც წერილობით უნდა აცნობოს ცენტრს პედაგოგების მიერ გამოწერილი პუბლიკაციებისა და საჭირო რაოდენობების შესახებ. საჯარო სკოლაში დასაქმებული მასწავლებლები გამოწერილ გამოცემებს მიიღებენ სკოლაში, ცენტრის მიერ მიღებული განაცხადების საფუძველზე.

თბილისი 0102
გმირ კურსანტა ქ. №1

ცენტრის გამოცემების შეძენა შესაძლებელია „პრიმა ჯგუფი 2009“ წიგნის მალაზიაში – ქ. თბილისი, დადიანის ქ. 43 ტელ.: 96 62 38

www.tpdc.ge

დამხმარე
სახელმძღვანელო
სკოლის
ღირექტორებისთვის



კითხვის ეფექტური
მეთოდები
სასწავლო მეთოდური
ფილმი (DVD) და მისი
გზამკვლევი



მასწავლებელთა
დამხმარე
სახელმძღვანელო სამ
ნაწილად:
1. განვითარებისა და
სწავლის თეორიები
2. სწავლება და შეფასება
3. სასწავლო და
პროფესიული გარემო

ჟურნალი „მასწავლებელი“





რედაქტორისგან

ვფიქრობდი, რა მეთქვა თქვენთვის. იმის შესახებ ხომ არ მომეთხრო, რასაც ჟურნალის ამ ნომერში წაიკითხავთ. თუმცა იქვე გავიფიქრე, ამას ისედაც ნახავენ, როცა ჟურნალს გაეცნობიან-მეთქი. თან სარჩევიც მშვენივრად გამცნობთ, რომელ გვერდზე რა მასალის ხილვა შეგიძლიათ.

ვფიქრობდი, იქნებ ის პრობლემა ან პრობლემები, ან გამოწვევები შემეხსენებინა, რაც დღეს მასწავლებლების წინაშე დგას-მეთქი. გადავიფიქრე – ამაზე თითქმის ყველა სტატია ჩვენს ჟურნალში.

„ან იქნებ ეს, ან ის“, – დავიწყე საკუთარ თავთან კამათი. ბოლოს მაინც გადავწყვიტე, ისევ mastsavlebeli.ge-ზე გესაუბროთ. ჯერ ახალია, სულ რაღაც ორი თვეა არსებობს. მართალია, ინტერესს იწვევს და მკითხველი და გულშემატიკვარიც გამოუჩნდა,

მაგრამ ჩვენი სურვილია, რაც შეიძლება მეტმა მასწავლებელმა გამოიყენოს ეს რესურსი. გამოგვეხმაურონ, მოგვწერონ, რა მოსწონთ და რა – არა, რა კუთხით იქნებოდა უფრო მნიშვნელოვანი და საინტერესო მათთვის გაზეთის მუშაობა.

ინტერნეტგაზეთის კედელი ორშაბათიდან პარასკევამდე მართლაც საჭირო და მნიშვნელოვანი ამბებით ივსება. მას თავისი გვერდი აქვს www.facebook.com-ზე. ყველა სიახლე, რაც დღის განმავლობაში გაზეთის კედელზე ხვდება, სოციალურ ქსელში გრცელდება და იქ კომენტარის გაცემაცაა შესაძლებელი.

თქვენი წერილები და სტატიები შეგიძლიათ მოგვაწოდოთ ელექტრონულ მისამართზე: info@mastsavlebeli.ge.

გაზეთის გაცნობა, მიმოწერა და კომუნიკაცია დღეს საქარ-

თველოს ყველა კუთხიდან და სკოლიდანაა შესაძლებელი. ჩვენც ურთიერთთანამშრომლობის ძალიან დიდი სურვილი გვაქვს.

ჟურნალის ამ ნომერში მცირე ამონარიდები ჩავსვით mastsavlebeli.ge-ს კედლიდან. მასწავლებელი, რომელიც პროფესიულ განვითარებაზე ზრუნავს და, მით უფრო, სასერტიფიკაციო გამოცდებისთვის ემზადება, აქ ბევრ საგულისხმო მასალას იპოვის. ქიმიის, ბიოლოგიის, ფიზიკისა და მათემატიკის ამოცანებსაც ნახავთ თავთავიანთი ამოხსნებითურთ.

ინტერნეტგაზეთის „პორტფოლიოში“ კი სერტიფიცირებული და პროფესიული განვითარების სქემაში ჩართული მასწავლებლები ძალიან საჭირო რესურსებს იპოვიან. მოკლედ, გაეცანით ამ გაზეთს და წაიკითხეთ. ვიცით, რომ სხვა საკითხავ-საზრუნავიც ბევრი გაქვთ, მაგრამ, როგორც ფრანგი მწერალი დანიელ პენაკი ამბობს: „კითხვის სიყვარული ზოგადად სიყვარულს ჰგავს – თუკი მოვიდა, არასოდეს ვიკითხავთ, გვაქვს თუ არა საამისო დრო“.

ნატო ინგოროყვა
მთავარი რედაქტორი



მასწავლებელი N2(20).2012

მასწავლებელთა პროფესიული განვითარების ეროვნული ცენტრის გამოცემა

ჟურნალი „მასწავლებელი“ საქართველოს ყველა სკოლაში უფასოდ რიგდება და ხელმისაწვდომია თითოეული მასწავლებლისათვის. პროფესიული ჟურნალი „მასწავლებელი“ გამოდის ორ თვეში ერთხელ.

ჟურნალში გამოქვეყნებულ პუბლიკაციებში გამოთქმული ზოგიერთი მოსაზრება, შესაძლოა, არ ემთხვეოდეს მასწავლებელთა პროფესიული განვითარების ეროვნული ცენტრისა და „მასწავლებლის“ რედაქციის შეხედულებებს. ცალკეულ სტატიაში დასახელებული ფაქტების უტყუარობაზე პასუხისმგებელია სტატიის ავტორი.

ISSN 1987-6149

UDC 371.1
მ-374

რედაქციის მისამართი: გია მამულაშვილი, ნინო რევიშვილი, თეა კვინტრაძე, ნათია ნაცვლიშვილი, ეკა ჯელაძე | მთავარი რედაქტორი: ნატო ინგოროყვა | რედაქტორი: ირაკლი კაკაბაძე | სტილისტი: ირმა ტაველიძე | დიზაინი: ბესიკ დანელია | ფოტო: გელა ბედიანაშვილი | მხატვარი: მამუკა ტყემელაშვილი | კორექტორი: ქეთევან ნიკოლეიშვილი.

ნომერზე მუშაობდნენ: გიორგი ნოზაძე, მანანა ბოჭორიშვილი, თეო ნეფარიძე, რუსუდან თაყაიშვილი, მარიკა სიხარულიძე, ანა ჯანელიძე, ნონა ლეიშვილი, ქეთო ნინიძე, თეო ჭყოიძე, ნინო მასურაშვილი, ზურაბ ჯამბურია, ნათია ნაფეტვარიძე, ქეთევან კუპატაძე, თინათინ სახელაშვილი.

ჟურნალში გამოყენებულია შრიფტი: FuturaBook Goe. ავტორი: კობა კურტანიძე. ყველა უფლება ეკუთვნის ავტორს.

საკონტაქტო ინფორმაცია: მასწავლებელთა პროფესიული განვითარების ეროვნული ცენტრი. მისამართი: თბილისი, გმირ კურსანთა ქ. 1, ელ. ფოსტა: info@tpdc.ge

www.tpdc.ge



ექსპერტი

5 გიორგი ნოზაძე საგნობრივ შედეგებზე ორიენტირებული გაკვეთილების დაგეგმვა

სტატიის ავტორი ანალიზებს საკუთარ პედაგოგიურ საქმიანობას და მკითხველს ზოგიერთ დაკვირვებას და მიგნებას უზიარებს, რაც არასრული ჩამონათვალია იმ საგნობრივ-მეთოდოლოგიური და საორგანიზაციო საშუალებების, რომელთა შესრულებაც საჭიროა გაკვეთილებამდე (მოსამზადებლად) და გაკვეთილების შემდეგ (რეფლექსიისთვის).

9 მანანა ბოჭორიშვილი სწავლის პროცესი – გზა ცოდნის მიღებიდან შემოქმედებით აზროვნებამდე

მოსწავლის მოტივაციის გასაღრმავებლად უდიდესი მნიშვნელობა აქვს ალქმითი ხასიათის სავარჯიშოებიდან შექმნა-წარმოებისკენ მიმართულ სავარჯიშოებზე გადასვლას. შექმნაზე ორიენტირებული აქტივობები სტიმულის მატარებელია. საზოგადოდ კი, ასეთი მიდგომა მოსწავლეებში ზრდის კომპეტენტურობის შეგრძნებას, რაც მათი მოტივაციის საფუძველი ხდება.

20 თეო ნეფარიძე წიგნიერების ტრადიციული და ახალი სახეები – წერა-კითხვის ცოდნა გუშინ და ციფრული წიგნიერება დღეს

თანამედროვე, გლობალიზებულ სამყაროში მსოფლიოს მოსახლეობის აბსოლუტურ უმრავლესობას ერთხელ მაინც ჰქონია რაიმე სახის ინტერაქცია სხვა ქვეყნისა თუ კულტურის წარმომადგენელთან. რაც შეეხება რეგულარულ კულტურათაშორის ურთიერთობებს, ზუსტი სტატისტიკა უცნობია, თუმცა, სავარაუდოდ, 200 მილიონი კაცია დასაქმებული მულტინაციონალურ კორპორაციებში, ხოლო დაახლოებით 400 მილიონი საშუალოზე იყენებს ინგლისურ ენას.



მოსაზრება

12 მარიკა სიხარულიძე უცხოური ენების სწავლება – ერთიანი ევროპული საგანმანათლებლო პოლიტიკის პრიორიტეტი

უცხოური ენების სწავლებას განსაკუთრებული ადგილი უკავია ევროპის ინტერკულტურული საზოგადოების განვითარებაში, რომელიც ტოლერანტობის, კრეატიულობისა და კულტურული მრავალფეროვნების პრინციპებზეა დაფუძნებული

16 ნონა ლეიაშვილი მხატვრული ლიტერატურის განმავითარებელი ასპექტები სასწავლო პროცესში

მხატვრული ლიტერატურის გააზრება თავისთავად გულისხმობს შეფასებისა და თვითშეფასების უნარის განვითარებას. მხატვრულ ტექსტში აღწერილი მოვლენებისა თუ პერსონაჟების მიმართ მკითხველს ძალაუნებურად უყალიბდება ემოციური დამოკიდებულება, რომელიც შემდეგ გაცნობიერებულ დამოკიდებულებაში გადადის.

39 ქეთო ნინიძე ინტერაქციულობა და ქართულის გაკვეთილები

რას ვგულისხმობთ, როდესაც ვამბობთ, რომ თანამედროვე სწავლების თეორიები მოსწავლეზე ორიენტირებულია? უმთავრესი ცვლილება და მიდგომაა განსხვავება უნდა გავიგოთ ასე – დღეს მოსწავლეები სასწავლო პროცესის პასიური შემსრულებლები კი არ არიან, არამედ აქტიურად მონაწილეობენ სისტემის მართვაში.

24 ზურაბ ჯამბურია რა ვასწავლოთ?

როგორ უნდა გამოუმუშავდეს მოსწავლეს სხვადასხვა უნარ-ჩვევა, თუ სწავლება მხოლოდ დამახსოვრებაზე იქნება აგებული? როგორ უნდა ისწავლოს მოსწავლემ კრიტიკული აზროვნება მხოლოდ ფაქტობრივი მასალის დამახსოვრებით? როგორ უნდა ისწავლოს არგუმენტებით მსჯელობა, თუ მას არ მიეცა საკუთარი აზრის გამოთქმისა და მისი არგუმენტებით დასაბუთების საშუალება? ამ კითხვებზე პასუხს ამ სტატიაში იპოვით.

49 თინათინ სახელაშვილი ჰუმანიტარულ მეცნიერებათა სწავლების ეფექტური მეთოდები

სკოლის ფუნქცია და დანიშნულებაა, რომ მოსწავლეებში სხვადასხვა ჩვევა, ნიჭი განავითაროს. ჩემი აზრით, მასწავლებლის მიზანია, ბავშვისთვის გასაგებ ენაზე, ძალდატანებისა და ზედმეტი ჩარევის გარეშე მიაწოდოს ისეთი მასალა, რომელიც მოზარდის ცოდნას კიდევ უფრო გაამდიდრებს.



51

რესურსი

31

რუსუდან თაყაიშვილი

მოსწავლეთა ესთეტიკური აღზრდა

ზოგადსაგანმანათლებლო სკოლის დაწყებით და საბაზო საფეხურებზე სავალდებულოა ესთეტიკური აღზრდის საგნები: მუსიკა, სახვითი და გამოყენებითი ხელოვნება, ქართული ცეკვა. არჩევითი კურსების სახით შეთავაზებული საგნები: თეატრალური ხელოვნება და კინოხელოვნება, ხელოვნების ისტორია, ფოლკლორული ანსამბლი, ასევე – ინტეგრირებული მუსიკალურ-კომპიუტერული პროგრამების პრაქტიკული კურსი, – აფართოებს ამ სფეროს და დასრულებულ სახეს ანიჭებს ზოგადსაგანმანათლებლო სკოლაში ხელოვნების დარგების სწავლებას.

35

ანა ჯანელიძე

თეორიები სწავლის სტილის შესახებ

სწავლობენ თუ არა ადამიანები განსხვავებულად? სწავლობს თუ არა უკეთ ბავშვი იმ შემთხვევაში, როდესაც მას ცოდნა რომელიმე სტიმულის საშუალებით მიეწოდება? ამ კითხვებზე პასუხის გაცემას მეცნიერები დიდი ხანია ცდილობენ.

46

ქეთევან კუპატაძე

რა უნდა ვიცოდეთ ლითონებზე და არამზოლოდ მათზე

მარადიული კითხვებია: რა ვასწავლოთ და როგორ ვასწავლოთ? პირველ შეკითხვაზე პასუხი გაცემულია. აი, მეორე კი მუდმივი ძიებისკენ გვბიძგებს. მართლაც მნიშვნელოვანია, როგორ ვასწავლოთ, რა მეთოდებს ვიყენებთ და როგორ ვთავაზობთ მოსწავლეებს ისეთი რთული საგნის საკითხებს, როგორიც ქიმიაა.

მასწავლებელი

ნინო მასურაშვილი

51

ქართული ენისა და ლიტერატურის ინტეგრირებული სწავლების ასპექტები

ინტეგრირებული სწავლება ხელს უწყობს იმის გაცნობიერებას, რომ სალიტერატურო ენის ნორმები მართლწერისა და მართლმეტყველების ერთადერთი საშუალებაა. თუმცა ახლა სხვა პრობლემამ იჩინა თავი. სახელმძღვანელოებში არაორგანიზებულად არის შემოთავაზებული ენის საკითხები, მხოლოდ მასწავლებლის პროფესიონალიზმსა და შემოქმედებით უნარზეა დამოკიდებული ენის ინტენსიურად შესწავლა ლიტერატურასთან კავშირში.

რჩევები

თეო ჭყოიძე

43

სწავლის მოტივაციის შიდა ფაქტორები

პედაგოგიურ ფსიქოლოგიაში განსაკუთრებული ყურადღება ეთმობა სწავლის მოტივაციას და მის განმაპირობებელ ფაქტორებს. აღნიშნული საკითხის სიღრმისეულად გააზრება როგორც პედაგოგის, ასევე მოსწავლის მიერ გადამწყვეტ როლს ასრულებს მოსწავლეთა მომავალ წარმატებაში.

ინფორმაცია

სამსახურად | კომპანია | ბაზრის | კომპანია | კომპანია

www.mastsavlebeli.ge

ბანათლება -
თავისუფლება!

ინტერნეტგაზეთი
www.mastsavlebeli.ge

27-30

53

ნათია ნაფეტვარიძე

სასწავლო-სოციალური ქსელი

თანამედროვე პირობებში ძნელი წარმოსადგენია ცხოვრება კომპიუტერის, ინტერნეტისა და სოციალური ქსელების გარეშე. თამამად შეიძლება ითქვას, რომ არაფერზე იმდენს არ ლაპარაკობენ, რამდენსაც სოციალური ქსელების აგკარგიანობაზე. ეს ოცდამეერთე საუკუნის ერთ-ერთი მთავარი სოციალური თემაა, ამიტომაც მისთვის გვერდის ავლა შეუძლებელია. რა დადებითი თუ უარყოფითი მხარეები აქვს სოციალურ ქსელს? როგორ შეიძლება მისი ისე გამოყენება, რომ მაქსიმალური სარგებელი მივიღოთ? ამ თემას არაერთხელ შეხებიან და ალბათ კიდევ კარგა ხანს მოუწევთ მასზე საუბარი.



დimitრი შაშინი

იმ ფაქტს, რომ წელს 41 ათასმა მასწავლებელმა გამოთქვა სასერტიფიკაციო გამოცდაზე გასვლისა და საკუთარი თავის მასწავლებლის პროფესიაში დამკვიდრების სურვილი, საზოგადოებაში არაერთგვაროვანი გამოხმაურება მოჰყვა. ზოგს მიაჩნია, რომ ეს ერთ-წლიანი სავალდებულო სტაჟის გაუქმებამ გამოიწვია, ზოგიც მიიჩნევს, რომ მასწავლებლებს გამოცდებში მონაწილეობა დააძალეს. გარწმუნებთ, დღეს ჩვენს ქვეყანაში არ არის ისეთი ვითარება, ვინმეს გამოცდაზე გასვლა აიძულო. მასწავლებლებმა უბრალოდ დაიჯერეს, რომ სერტიფიცირება პროფესიული განვითარების აუცილებელი პირობაა და, ამასთან, ნდობა გამოუცხადეს განათლების სისტემამში მიმდინარე რეფორმებს.

მასწავლებლის პროფესიის არაპოპულარობაზეც ბევრი რამ ითქვა, მე კი ეს ყოველივე სხვაგვარად მესახება: გაიზარდა მასწავლებლის

ავტორიტეტი, მისი მნიშვნელობა და, საზოგადოდ, სკოლის დანიშნულება; ამიტომაც არის დღეს ამ სფეროში დარჩენის ამდენი მსურველი.

აქვე მინდა გითხრათ: ერთ-წლიანი სავალდებულო სტაჟის გაუქმება (აღამიანს ბარიერებს რომ არ ვუწესებთ, ეს, ჩემი აზრით, ლიბერალური საზოგადოების ნიშანია) არ ნიშნავს, რომ ამ პროფესიის დაუფლება ადვილია. თითოეულმა მსურველმა სასერტიფიკაციო გამოცდაზე უნდა აჩვენოს თავისი როგორც საგნობრივი კომპეტენცია, ასევე პროფესიული უნარებიც.

ძალაში რჩება მასწავლებლის პროფესიის დაუფლების უკვე გამოცდილი გზა – მაძიებლობა. ეს პროგრამა სახელმწიფოს მხარდაჭერითა და უზრუნველყოფით კვლავაც გაგრძელდება და ყველა მსურველს ექნება არჩევანი, თავად გადაწყვიტოს, ამ პროგრამაში მონაწილეობით დაეუფლოს

მასწავლებლის პროფესიას თუ თავად მოემზადოს და სასერტიფიკაციო გამოცდებში მიიღოს მონაწილეობა.

ის, რაც სახელმწიფომ ამ ორი წლის განმავლობაში გააკეთა მასწავლებლის პროფესიის პოპულარიზაციისა და მასწავლებელთა პროფესიული განვითარებისთვის, ვფიქრობ, მართლაც საგულისხმო და დასაფასებელია. ვინც პროცესებს აკვირდება, მაგრამ შედეგების დანახვა არ სურს, ვურჩევ, ნებისმიერ დროს მივიდეს თბილისის ან ქუთაისის მასწავლებელთა სახლებში და გულისყურით გაეცნოს მათ სამუშაო გეგმასა და პროგრამას, დააკვირდეს იქ მიმდინარე პროცესებს. მალე მასწავლებლის სახლები გვექნება ქობულეთში, ახალციხეში, ზუგდიდში. თუ ციფრებითაც დაინტერესდებით, ჩემთვის ცნობილი უკანასკნელი მონაცემებით, 2011 წელს და 2012 წლის პირველი სამი თვის განმავლობაში საგნობ-

რივი და პროფესიული უნარების ტრენინგები 52082 მასწავლებელმა გაიარა. ტრენინგებს გადიან ასევე სკოლის დირექტორები, ინგლისური ენისა და კომპიუტერული უნარების დაუფლების მსურველი მასწავლებლები და საბუნებისმეტყველო საგნების მასწავლებლები, რომლებმაც საგნის ექსპერიმენტული ნაწილის ჩაბარება გადაწყვიტეს.

მათ, ვისაც ინგლისური ენის პოპულარიზაცია აწუხებს, მინდა ვუთხრა, რომ რამდენიმე უცხო ენის დაუფლება ძალიან კარგია. ჩვენს ქვეყანაში არაერთი სკოლაა, სადაც შეგიძლიათ იმ ენის შესწავლა, რომელიც გაინტერესებთ. მაგრამ სახელმწიფოს აქვს თავისი სტრატეგია და ხედვა. თუ გვინდა, მსოფლიო გლობალიზაციის პირობებში კონკურენტუნარიანი, მობილური და საჭირო ადამიანური რესურსები გვყავდეს, ინგლისური ენის სწავლა აუცილებელია.